



## МЕСЯЦА АПРЕЛЯ В 14-Й ДЕНЬ

Иже во святых отца нашего  
и исповедника Мартина,  
Папы Римского

НА ВЕЧЕРНИ

Стихиры, глас 8.

Подобен: Что вас наречем:

**Ч**то ты ныне, Мартине, провещаем? / Православных учений наставника всеславна, / верховника священных повелений Божественных неложна, / лжи истиннейшаго обличителя, / словесе доблественнейша споспешника, / священнодейственна священнейша, / чудоделателя честнейшаго. / Моли спастися душам нашим.

**Ч**то ты ныне, Мартине, наречем? / Реку, духовных вод исполнену, / присно напаяющую души ко благоплодию разумному, / свещник, благочестия свет сияющ, / гору, точащу Божественное радование, / Божественных Словес изъясителя, / всякия ереси обличителя. / Моли спастися душам нашим.

**Ч**то ты ныне, Мартине, проречем? / Скинии истинныя священнодателя всехвальна, / ходатая к Богу и твари боголепна, / чашу, пиво Божественное точащу, / светильника, яко жизни слово имуща, / от запада убо исходяща, / на востоце же являющаяся. / Моли спастися душам нашим.

### Слава, и ныне, Богородичен:

Кому уподобилася еси, окаянная душе, / к покаянию никакоже вознучи / и огня не ужасающися, злых ожидающего? / Востани, и Едину к заступлению скорую призови, и возопий: / Дево Мати, моли Твоего Сына и Бога нашего / избавити мя от сети лстываго.

### Крестобогородичен:

Агница Агница яко виде, / на Древе простерта волею Крестнем, / вопиаше, матерски болезнующи с плачем: / Сыне Мой, что странное сие видение? / Всем жизнь дай яко Господь, / како умерщвляешися, Долготерпеливе, / земным подай воскресение? / Славлю Твое многое, Боже Мой, снисхождение.

### Тропарь, глас 4:

**И**стинных повелений устне распространил еси, / учении Божественными вся просветил еси, / зловерие низложил еси, Богомудре Мартине, / святителю всечестне, / поминай нас, угодниче Христов, / еже к Нему ходатайствы твоими, / да в мире устроиши живот наш.

### Канон, творение Иосифово. Глас 8.

#### Песнь 1

**Ирмос:** *Посеченный несекомаго пресече, / и виде солнце землю, юже не виде. / Лютаго врага вода потопи, / и непроходимое пройде Израиль, / песнь же воспевашеся: / Господеви поим, славно бо прославися.*

Болезни многи, Мартине, претерпел еси за Христа Бога / и ныне изшел еси к неболезненной жизни, добре подвизався. / Тем моея души лютыя болезни облегчи, / яко да воспою тя, молитвами твоими просвещаемь.

Существа два, и две воли, и действия сугуба носяща, блаженне, / Единого от Честныя Троицы научил еси, Христа, Пресущнаго Бога, / и иже не тако чествующия, / вся отвергл еси, Мартине священнейше.



**Недúговавшия** безсловéсно безúмне, в Едíном Христé, едíну мúдрствующе волю, / рáзумом íстинным и véрою украшáемь, обличíл есí, Мартíне, явственнó / и, рáдуясь, взывáл есí: / пойм Гóсподеви, слáвно бо прослáвился.

**Крáсными** пéсньми, свéтло ликующи, / днесь Христóва Цérковь ты почитáет, Богоблажéнне, / Христóв служíтелю, Мартíне пресвéтле, / поющая ты просветí.

**Богорóдичен:** **И**же по естествú Божéственному Невíдимый, / вíден бысть из Тебé Младéнец, Человéк быв, / сугúба я́ко воíстинну хотéния и дéйства нося́ во Едíной Ипостáси, / Егóже моли́, Пренепорóчная, вся ны спасти́, любóвию поющия Тя.

### Песнь 3

**Ирмóс:** **Страх** Твой, Гóсподи, / всадí в сердца́ раб Твои́х / и бúди нам утверждéние, / Ты во íстине призывáющим.

**Сый** испóлнен, всеблажéнне, Божéственныя рéвности, / собрал есí Свящéнен, Мартíне, Собóр / и церкóвное утвердíl есí учéние.

**Посредí** Собóра отвéргл есí Пíрра, Сéргия и Феóдора, Кíра же / и подобныя тем буеслóвлящим злослáвныя, óтче.

**Из** Рíма нúждею изгнán, / обшéл есí, я́ко со́лнце, лучí испущáя, преподóбне, / правослáвныя просвещáя вся.

**Премúдростию** освящéн свýше, я́ко со́лнце, / Рíмскому отéчеству вéлий заступник проявлéн, / Мартíне преподóбне, блажéнне.

**Богорóдичен:** **Отцú** Равночéстна и Сопрестóльна пáче слóва родилá есí, / дéйства два нося́ща и две во́ли, Всесвятáя Отрокови́це.

### Седáлен, глас 4.

**Подóбен:** Вознесýйся:

**И**сповéдании свящéнными украшýся, / мýченически же жизнь совершív, / к Небесém востéкл есí, Мартíне мúдре, / венцém неувядáемым от Бóга венчáлся есí. / Тémже святую твою́ прáзднуем пáмять, вопию́ще: / помяни́ нас, священноблажéнне, Христú предсто́я.

### Сла́ва, и ны́не, Богоро́дичен:

**По** Бóзе во Твой, Богоро́дице, прибегаю, смире́нный, покрóв Божество́нный / и, припа́дая, молю́ся: / помилуй, Пречи́стая, я́ко превзыдо́ша главú мою́ греси́, / и бою́ся, Влады́чице, му́ки, и трепещу́, / моле́ние сотвори́, Чи́стая, к Сы́ну Твоему́ от сих изба́вити мя.

### Крестобогоро́дичен:

**И**же от Безнача́льнаго Отца́ рождённаго напоследок Тя плóтию ро́ждшая, / на Кресте́ ви́сяща, зря́щи, Христе́,—úвы Мне, любезнейший Иису́се,—вопя́ще,— / ка́ко сла́вимый я́ко Бог от Ангел, / от беззако́нных ны́не человек, Сы́не, хотя́, распина́еши? / Пою́ Тя, Долготерпели́ве.

### Песнь 4

**Ирмо́с:** Всел еси́ на ко́ни, апо́столы Тво́я, Го́споди, / и прия́л еси́ рука́ма Тво́йма узды́ их, / и спасе́ние бысть ежде́ние Твоё / ве́рно пою́щим: / сла́ва си́ле Твоёй, Го́споди.

**Непра́ведно** от престо́ла твоего́, му́дре, изгоня́емь, / от человек непра́ведных пра́ведный пострада́ти благоволи́л еси́, / я́ко да пра́ведное уче́ние церко́вное, о́тче, спасе́ши невредимо.

**Стоя́** среди́ пребеззако́нующих я́ко зако́нен страда́лец, святителю́ Богоприятне, / и от них оскорбля́емь, и наруга́емь, и влачи́м все́, / пребы́л еси́ умо́м непревращен.

**Младенцев** вмени́л еси́, о́тче, стреля́ния, Марти́не, все́е оскорбля́ющих тя / и, терпели́вно пострада́в, гоним, и вяжемь все́е, / и в темни́цах заключа́емь.

**Трисвётлыми** заря́ми пресвётло укра́шен, па́че со́лнца, блаже́нне, / запа́ду сия́еши и неверствия́ тьму отгоня́еши, премудре. / Те́мже просвети́ ны, тя блажа́ция.

**Богоро́дичен:** Во двою́ существу́ богому́жно познава́емаго, / от Трои́цы Еди́наго родила́ еси́, / я́ко Бóга и Челове́ка, во́ли нося́ща прилично́ обе́ма естество́ма, / Де́во Пренепоро́чная.



### Песнь 5

**Ирмос:** От но́щи неведения / по душеловительному пути́ присно блудящаго, / светом ра́зума Твоего́, Го́споди, преднаставляя мя, / на стезю́ заповедей Твои́х напра́ви.

Священнейшим твои́м слóвом, óтче, всесвященное учéние я́ве утверди́л еси́ / и ерети́ческия полки́ низве́ргл еси́, / претерпева́я изгна́ния, и темни́цы, и ско́рби мно́ги.

Дремáния твои́м ве́ждом, преподо́бне, не дал еси́, / до́ндеже вселéние Бо́гу был еси́, / и всю разв́еял еси́ е́реси прелесть, му́ченически подви́зався.

Вражде́бно тя, я́коже зве́рие, влекóша вери́гами, му́дре, / врази́, связáвше посреде́ гра́да, ругáтельно, укоря́юще, и ху́ляще, / и без студа́ на тя напа́дающе.

Ве́рою огра́ждся, я́ко со́лнце лучáми, / и устне́ возвесели́, и гра́ды вся просвети́, / пропове́дая Христа́, Сы́на Бо́жия, во плóти пришéдша.

**Богорóдичен:** Неискусобра́чно, Де́во, неопи́санное Сло́во плóтию ро́ждши, / плóти моея́ стра́сти умертви́, оживи́ же ду́шу мою́, / умерщвлéнную прегрешéньми.

### Песнь 6

**Ирмос:** Бэ́дна грехóв и прегрешéний бу́ря мя смущáет / и во глубинú нýжднаго ре́ет мя отча́яния, / но Твою́ крéпкую ру́ку мне простри́, я́ко Петро́ви, / о Управителю́, и спаси́.

Разсе́дся лука́вый при ногú твоёю свяще́нною, Богоно́се, / и лука́вых человек бездвéрная уста́ загражда́ются твои́м слóвом, / и явля́ется, сия́ючи, учéние Божéственное, па́че со́лнца.

Простира́ют тя неща́дно и ўжи связу́ют преле́стницы, вяжу́ща всяку лeсть / и ерети́ческий сою́з растерза́юща сою́зом Божéственных учéний твои́х, / святителю́ óтче Марти́не священнейше.

Стоя́л еси́ пред суди́щем судя́щих, / осужда́я прелесть пропове́дающих еди́ну во Христé, óтче, волю́ / и му́ченическими я́ве украша́ясь венцы́, Богоблаже́нне Марти́не му́дре.

Чудесы́ испóлни весь мир, прехва́льне, / источáя

реки исцелений, Богогласе, / ѿмиже и мя просвети, молю ти ся, Мартине пресвятый.

**Богородичен:** **З**акони естества в Тебе разоряются, / неизреченно бо раждаеши Содетеля всех, Богородице Всепетая, / яко Бога же и Человека, две воли же имуща и действия, Мати Деву.

### Песнь 7

**Ирмос:** **О**т Иудеи дошедше, отроцы / в Вавилоне иногда / вероу Тройческою пламень пещный попраша, поюще: / отцев Боже, благословен еси.

**С**угубых действий и хотений, отче, Христа лишившиися / лишша тя престола, отдавше изгнанием дальним, зовущаго: / отец наших Боже, благословен еси.

**П**рошед многовременныя темницы яко хранитель непорочныя веры, / еретическую тьму умалил еси и пети верныя просветил еси: / отец наших Боже, благословен еси.

**Я**коже лев, отче, уповав, на беззаконныя дерзостно наскочил еси / Феодора, и Кира, и Сергия, и Пирра, / и сих единомысленныя отлучая Христовы Святыя Церкви.

**В**озсияв, блаженне, яко солнце на земли, / благодатию свыше озаряемь, отче Мартине, пояше: / препетый Господи, Боже отец наших, благословен еси.

**Богородичен:** **В**о дву волях и действиях двух из Тебе, Пренепорочная, рождейся несказанно, / Иже сиче мудрствующия спасает, зовущия: / отец наших Боже, благословен еси.

### Песнь 8

**Ирмос:** **Б**огоглаголивию отроцы в пещи, / со огнем пламень попирающе, пояху: / благословите, дела Господня, Господа.

**С**тесняемь, отче, немощми, / и лютыми изгнаниями, и многообразными муками, / мучения венцы яко мученик приял еси.

**Б**лаженства Богоизбраннаго сподобился еси, изгоняемь, Мартине, / и правды близ был еси, / изгнав от среды неправедную ересь.



**Украси́в** Петро́в Божественный престол / и на то́го ка́мени Це́рковь неколе́блему соблю́д, Марти́не, / с сим просла́вился еси́.

**Тро́ицы Пресвяте́й** яви́ся и́стинный пропове́дник, Марти́не пресвя́те, / Ё́юже просвеще́ся, па́че со́лнца, блаже́нне, / сия́еши чуде́сы, исцеления́ то́ча взыва́ющим: / Го́спода по́йте, дела́, и превозно́сите Егó во ве́ки.

**Богоро́дичен:** Святе́йши Вь́шних во́инств и Херувим превь́шши, Ма́ти Бо́жия су́щи, / страсте́й плотски́х мя превь́шша сотвори́.

### Песнь 9

**Ирмо́с:** Уста́вы прешла́ еси́ естества́, / Содетеля́ заче́нши и Го́спода, / и дверь спасе́ния ми́рови была́ еси́, / тем Тя, Богоро́дице, / непреста́нно велича́ем.

Священноде́тель священнейший, испове́дник же и му́ченик быв, / с патриаршескими ли́ки, Марти́не, всегда́ досто́йно ра́дуешися, / те́мже ты ве́рою ублажа́ем.

**Я́ко** светоза́рное, блаже́нне, со́лнце, возсия́л еси́ к восто́ком от за́пада, / всю заря́ми благоче́стия зе́млю просвети́л еси́ / и отгна́л еси́ тьму ерети́чествующих глубоча́йшую.

**Ста́нем** в до́му Бо́га на́шего, пропове́дающе стра́сти, и борéния, / и испове́дания небому́дреннаго отца́ на́шего Марти́на / и сегó любо́вию ублажи́м.

**Тво́е** свято́е преста́вление днесь свéтло соверша́ем, / испо́лни ра́дости помы́шления восхваля́ющих тя, Богому́дре святите́лю, / в не́йже вся ны помяни́.

**В** ли́це ны́не предсто́йши с Безплóтными си́лами, блаже́нне о́тче, / подви́гни проро́ки и апо́столы прему́дры, с му́ченики святы́я / приле́жно за ны моли́тися Бо́гу, / да досто́йно ты велича́ем.

**Богоро́дичен:** Гласово́м отце́в повиную́щися, во дву естества́х и во́лях, Чи́стая, / Еди́наго от Тро́ицы, из Тебе́ ражда́емаго, ве́рно испове́дуем / и Тя непреста́нно велича́ем.

**Святитель Мартин исповедник, Папа Римский**, родился в городе Тоди в Тоскании. Его родители, принадлежавшие к знатному роду, дали сыну хорошее образование. С юных лет святой Мартин стремился посвятить свою жизнь служению Богу. Поступив в церковный клир в Риме, святой Мартин вскоре был рукоположен в сан пресвитера. В 649 году, после кончины Папы Римского Феодосия, на кафедре Римской Церкви был возведен святой Мартин. Архипастырское служение его пришлось на время широкого распространения на Востоке монофелитства. Еретики — монофелиты (греч. — «единовольники») считали, что в Господе Иисусе Христе хотя и два естества, Божественное и человеческое, но воля одна, только Божественная. Впоследствии это лжеучение было осуждено на IV Вселенском Соборе. В те времена Рим входил в состав Византийской империи. Император Константин II (629—668) и весь его двор, а также Патриарх Константинопольский Павел находились под влиянием монофелитства. Узнав об избрании святого Мартина Папой Римским, Константин II направил ему свою книгу, названную «Типос» и содержащую изложение лжеучения. Одновременно император требовал, чтобы святой Мартин принял монофелитство и утвердил его соборно. В ответе императору святой Мартин заявил: «Если бы и весь мир это новое учение, православию противное, захотел принять, то я не приму и не отступлю от евангельского и апостольского учения и от предания святых отец, если бы даже пришлось пострадать до смерти».

Святой Мартин направил к Патриарху Константинопольскому Павлу своих доверенных лиц с посланием, в котором убеждал Патриарха отказаться от ереси во избежание церковного раскола. Павел отверг увещания и сурово наказал посланников святого Мартина. Тогда святитель Мартин, по совету святого Максима исповедника, епископа Хрисополитанского (†662, память 21 января), прибывшего в Рим для защиты православия, созвал в 653 году Поместный Собор. Решением 150 западных епископов, участвовавших в Соборе, монофелитская ересь была

осуждена. Собор направил послание к верным христианам, разъясняя вред этого лжеучения и укрепляя в правоте колеблющихся. Узнав о созыве Собора, разгневанный император решил уничтожить непокорного Папу и для этого срочно отправил в Рим своего посланника по имени Олимпий. Участники Собора еще не разъехались. Олимпий не решился в их присутствии собственноручно исполнить поручение Константа, а поручил совершить убийство одному из своих воинов. Воин же, войдя в храм, где в это время находился святитель Мартин, вдруг остановился как вкопанный, пораженный внезапной слепотой. Олимпий понял, что Господь не допустил случиться злодеянию, раскаялся и вскоре отправился на борьбу с сарацинами, в которой погиб. Тем временем Константин предпринял новую попытку отомстить святому Мартину. По наущению Патриарха Константинопольского Павла, с помощью посланного в Рим представителя, святого Мартина клеветнически обвинили в том, что он распространяет ересь, призывает сарацин к восстанию против императора и без должного уважения относится к Божией Матери. Напрасно святитель Мартин пытался опровергнуть эту ложь. Не слушая его оправданий, посланник императора публично обвинил святого в том, что он незаконно занял кафедру Римского епископа. Поздней ночью святитель Мартин был взят под стражу, а затем на корабле отправлен в ссылку на остров Наксия. Целый год претерпевал лишения и голод святой Мартин на острове. Жители острова приносили святителю еду, но стражники отбирали ее, объявляя всем, будто святой Мартин еретик, а тот, кто ему помогает, — враг империи. В 654 году измученный архипастырь, остававшийся непоколебимым исповедником Православной веры, был доставлен в Византию. Здесь он вновь подвергся публичным оскорблениям и поношениям от людей императора и Патриарха. После двадцатитрехдневного одиночного заключения святителя принесли на носилках в дом, где собрались сенаторы, поскольку он уже не мог ходить. Старший сенатор с гневным криком потребовал, чтобы святой Мартин встал перед ним. Поддержи-



ваемый воинами, едва стоявший на ногах, святой слушал, как лжесвидетели перечисляли клеветнические обвинения, в справедливости которых клялись Святым Евангелием. Сказать что-либо в свое оправдание святой исповедник не смог, так как не знал греческого, а переводчику, осыпавшему бранью, сенаторы не дали говорить. Затем святой Мартин был приведен к позорному столбу, где подстрекаемая императорскими людьми толпа осыпала мученика за веру проклятиями, выкрикивая: «Анафема Мартину епископу». За всем происходившим тайно наблюдал император Констант, укrywшийся в высокой башне. Несмотря на январский холод, на святителе была разодрана одежда, а тело его заковано в вериги. Наконец, воины, неся впереди обнаженный меч, что означало смертный приговор, повлекли святого Мартина через весь город в преторию. Многие, видя, какому бесчестию подвергается святитель, с плачем уходили. Другие поносили святого Мартина, крича: «Где есть Бог его, где учение веры его?». Умиравший святитель был брошен в темницу. Здесь свою жалость к нему выразила жена тюремного сторожа: она перевязала раны мученика и тайно укрывала его. В

это время нечестивый император Констант посетил находившегося при смерти Патриарха Павла. Услышав рассказ о мучениях, которым был подвергнут святитель Мартин, и почувствовав перед смертью раскаяние, патриарх-еретик стал клятвенно просить императора прекратить преследования святителя. Святой Мартин, приготовившийся принять за правоверие скорую смерть, был весьма опечален, когда узнал, что исполнение смертного приговора над ним отложено. После восьмидесятипятидневного пребывания в заключении, измученный телесно, но радостный духом архипастырь, при неутешном плаче всех бывших с ним в темнице, был вновь посажен на корабль, которым доставлен к месту ссылки — на Таврический (Крымский) полуостров. Здесь, близ Херсонеса, в Инкерманских каменоломнях, почти без пищи, провел святой Мартин последние два года своей жизни. Скончался 16 сентября 655 года и был погребен в храме в честь Влахернской иконы Пресвятой Богородицы. При гробе его совершалось много чудес. Впоследствии мощи святого Мартина были перенесены в Константинополь, а потом в Рим, где покоятся в храме во имя святого Мартина.

В  
ТОЙЖЕ  
ДЕНЬ

## Святых мученик Антония, Иоанна и Евстафия, в Вильне пострадавших

НА ВЕЛИЦЕЙ ВЕЧЕРНИ

**Блажен муж: 1-й антифон. На Господи, возвах:  
стихиры на 6, глас 4.**

Подобен: Яко добля:

**В**еры предборителие, / благочестия поборницы, / Церкви звезды многосветлыя, / льсти тьму умаливше благодатию / и свет истиннаго Богопознания светяще, / восхваляем вас священными песьнями, / Божественнии и мудрии страдальцы / Антоние, Иоанне и Евстафие.

**Небеса́,** поведающа Божия таинства / и славу всем возвещающа, / мученицы Божественнии бысте, / ибо вещание подвигов и веры ваша / во вся концы Православныя Церкви изыде. / Темже вся Церковь почитает страдания ваша, / яже подъясте доблественне о Христе, приснославнии.

**Лы́стом** \* твоим сокрушенным и костем, / приснопамятне Евстафие, / и бедрам твоим, паче естества сотранным, / и носу и ушью урезанным / радовался еси, всеблаженне, / змиеву главу идолослужения отсекая. / Сего ради подвигоположник Христос Бог / венец победный дарова тебе.

**Православно** уверовавше в Троицу Пребожественную, / научени пресвитером Нестором, / просветитесь Духом Святым, прехвальнии, / и, на миродержца ополчившися, / козни его мужески победите, / пособием Божиим на него подвигшися. / Тем днесь пресветлую вашу память совершающе, / по долгу хвалами ваше почитаем страдание.

**Ранам** предавшися и мукам, святии, / непреклонни премудростию пребыте, / яко свещи, разжгшися теплотою духовною, / просвещаете сердца верных благодатию / и отгоняете всяк недуг и всяку скорбь. / Темже всяческий род и возраст / празднует вашу святую память, / песнями славяще Господа.

**Светлостию,** мученицы, чудес ваших / всю просветите тварь, / отгоняюще мглу страстей и скорбей, / бесовских наваждений и болезней / от притекающих к вам со слезами / и верою просящих вашего заступления, / доблии страдальцы Спасовы / Антоние, Иоанне и Евстафие. / Темже верою святое и светоносное / ваше совершаем торжество.

### **Слава, глас 6:**

**Церковь** днесь празднует светло, / в нову одежду одевшися, / яко порфирною и ви́ссом, / кровию и страданием новых страстотерпец: / сии бо, в благочестии воспитавшися, / жертву непорочну, приятну и благоугодну / принесоша Ти, Христе. /

\* лы́стом — голеним



Тёмже, Спасе наш, Бóже, / сих победители беззаконных показавый, / венчавый и прославивый, / низпосли нам тех молитвами велию милость.

**И ныне, Богородичен: Кто Тебе не ублажит:  
Вход. Прокимен дне и чтения.**

### **Пророчества Исаиина чтение (глава 43):**

Тако глаголет Господь: / вси языцы собращася вкупе, / и соберутся князи от них. / Кто возвестит сия? или, яже исперва, кто возвестит вам? / Да приведут свидетели своя, и оправдятся, и да услышат, и да рекут истину. / Будите Ми свидетели, и Аз Свидетель, глаголет Господь Бог, / и Отрок Мой, Егóже избрах: / да увесте, и веруете Ми, и уразумеете, яко Аз есмь. / Прежде Мене не бысть ин бог, и по Мне не будет. / Аз Бог, и несть, разве Мене, спасаая. / Аз возвестих и спасох, укорих и не бе в вас чуждий. / Вы Мне свидетели, и Аз Свидетель, глаголет Господь Бог. / Еще от начала, и несть изымая от руку Мою. / Сотворю, и кто отвратит е? / Тако глаголет Господь Бог, избавляя вас, / Святыи Израилев.

### **Премудрости Соломоновы чтение (глава 3):**

Праведных души в руке Бóжией, и не прикоснется их мука. / Непщевани быша во очесех безумных умерети, / и вменися озлобление исход их: / и еже от нас шествие — сокрушение, они же суть в мире. / Ибо пред лицем человеческим, аще и муку примут, / упование их безсмертия исполнено. / И в мале наказани бывше, великими благодетельствовани будут, / яко Бог искуси я и обрете их достойны Себе. / Яко злато в горниле, искуси их / и, яко всеплодие жертвенное, прият я. / И во время посещения их возсияют / и, яко искры по стоблюю, потекут. / Судят языком и обладают людми, / и воцарится Господь в них во веки. / Надлежащие Нань разумют истину / и вернии в любви пребудут Ему. / Яко благодать и милость в преподобных Егó / и посещение во избранных Егó.

## Премудрости Соломоновы чтение (глава 4):

**П**раведник, аще постигнет скончатися, в покои будет. / Старость бо честна не многолетна, / ниже в числе лет исчитается. / Седина же есть мудрость человеком, / и возраст старости — житие нескверное. / Благоугоден Бóгови быв, возлюблен бысть, / и живый посреде грешников, преставлен бысть. / Восхищен бысть, да не злоба изменит разум его / или лесть прельстит душу его. / Рачение бо злобы помрачает добрая / и парение похоти пременяет ум незлобив. / Скончався в мале, исполни лета долга, / угодна бо бе Господеви душа его, / сего ради потщася от среды лукавствия. / Людие же видевше и не разумевше, / ниже положше в помышлении таковое, / яко благодать и милость в преподобных Его / и посещение во избранных Его.

### На стиховне стихиры, глас 4.

**Подобен:** Яко добля:

**Я**ко звезды многосветлыя, / страстотерпцы прехвальнии, / Божественными светлостми озаряете вселенныя концы, / демонскаго омрачения и страстей тлетворных и бед изымающе. / Темже днесь светлое, и светоносное, / и святое ваше торжество, / сошедшеся, восхвалим, славнии.

**Стих:** Возваша праведнии, / и Господь услыша их.

**Ч**уднии, Божественнии, премудрии страстотерпцы / песнями священными да почтутся: / Троицу бо Несозданную пред враги священно проповедающе, / многобожную угасиша лесть кровными излиянии / и славу прияша неувядаемую.

**Стих:** Многи скорби праведным, / и от всех их избавит я Господь.

**Ц**аря беззаконнаго, / беззаконно повелевающего поклонитися / и чести принести безсловесным богом бездушным, / блаженнии, мудре посрамите, / мученицы великоименитии, / и, пострадавше терпеливно и законно, / венцы исплетосте победы, / о мире молящеся.



### Слава, глас 6:

**П**олк Боговенчанен ныне явльшихся мученик, /  
заколѣние непорочное, за Христа пожреное  
усердно, / святоизбранное воинство, / мученико-  
любцы, приидите, всесвященную память духовно  
совершающе, / возопиѣм к ним: / сокрушите сви-  
репство агарян безбожных / и избавите люди  
благочестномудренныя молитвами вашими / вся-  
каго обстоянія.

### И ныне, Богородичен:

**Б**ога, из Тебѣ воплотившагося, разумѣхом, Бого-  
родице Дѣво, / Того моли о спасѣнии душ наших.

### Тропарь, глас 4:

**И**же земных чести и славы отвергшися, / дѣблїи  
и честнїи страдальцы, / веры ради крѣпко и  
мужественно муки претерпѣсте, / на смерть себѣ  
вдавши за Живѣт всех — Владыку. / Тѣмже и Хри-  
стѣс преславно столпомъ облачнымъ / с Небесѣ вас  
озарї / и почестїми и венцы от Престола славы  
венча. / Со Ангелы Тому предстоюще, / молитѣ  
спастїся душамъ нашим.

### Ин тропарь, глас тойже:

**О**т корене неплодна, преблаженни, / возрастив-  
ше Православныя веры ветви, / первомучени-  
комъ тезоименїтии явїстеся: / злаго бо и нечестива-  
го князя ярости не убойстеся, / повелевающе  
Христа отрещїся. / Сего ради мученическия вен-  
цы приемше / и со Ангелы Престола Владычню  
предстоюще, / о нас молитеся, преблаженни, /  
православно чтущихъ святую память вашу.

### НА УТРЕНИ

**На Бог Господь: тропарь святымъ, дважды. Слава, и ныне, Богородичен.**

### По 1-м стихословїи седален, глас 4.

**Подобен: Явился еси днесь:**

**Ч**естную твердь церковную, яко звѣзды величай-  
шїя, просвѣщаете присно / и верныя озаряете,  
мученицы Божественни, Христовы воїни.

### Сла́ва, и ны́не, Богоро́дичен:

**В** кров Твой, Пречы́стая Де́во, прибега́ющих, мо́льбу прие́млещи от нас, / не преста́й моля́щи Чело́веколю́бца спасти́ рабы́ Тво́я.

### По 2-м стихосло́вии седа́лен, глас 4.

Подобен: **В**ознесы́ся на Крест:

**Му́жественнейшим по́мыслом прешедше муче́ние, чу́днии страстоте́рпцы, / сквозе́ огонь и во́ду проидо́сте / и премину́сте ко спасе́ния широте́, насле́дие прие́мше — Небе́сное Ца́рство, / в нёмже твори́те о нас Боже́ственные мо́льбы, му́дрии вели́кому́ченицы.**

### Сла́ва, и ны́не, Богоро́дичен:

**И́же благода́рно воспева́ем Ти от се́рдца и про́сим приле́жно, Богоро́дице, / Твое́я ми́лости, Влады́чице, на рабы́ Тво́я, зову́щия и глаго́лющия: / Пресвята́я Де́во, предва́ри и изба́ви от враг ви́димых и неви́димых и вся́каго преще́ния, / Ты бо еси́ на́ше заступле́ние.**

### По полиеле́и седа́лен, глас 8:

**Ве́доми бы́сте связа́ни от враго́в / и в темни́це заклю́чени на временá мно́га, ве́рою соблюда́ем, невре́дни пребы́сте / и, отрешше́ся мечи́ телес, святи́и, / Боже́ственным жела́нием я́ве связа́сте-ся. / Те́мже, я́ко свети́ла, просия́сте в ми́ре, вся просвеща́юще Ду́ха благода́тию, / страстоте́рпцы блаже́ннии, моли́те Христа́ Бо́га грехо́в оставле́ние дарова́ти / пра́зднующим лю́бовию святу́ю па́мять ва́шу.**

### Сла́ва, и ны́не, Богоро́дичен:

**Я́ко Де́ву и Еди́ну в Жена́х, Тя, без се́мене ро́ждшую Бо́га плоти́ю, / вси ублажа́ем, ро́ди чело́вечести́и: / О́гнь бо всели́ся в Тя Божества́, / и я́ко Младенца́ дойши Зижди́теля и Го́спода. / Тем, а́нгельский и чело́веческий род, досто́йно сла́вим пресвято́е рождество́ Твоё́ и согла́сно вопие́м Ти: / моли́ Христа́ Бо́га согреше́ний оставле́ние дарова́ти / покланя́ющимся ве́рою пресвято́му рождеству́ Тво́ему.**



**Степѣнна, 1-й антифѣн 4-го гласа. Прокімен, глас 4:** Воззваша праведнии, / и Господь услыша их. **Стих:** Многи скорби праведным, / и от всех их избавит я Господь. **Всякое дыханіе: Евангелие от Матфея, зачало 36.**

**По 50-м псалмѣ стихира, глас 6:**

Приидіте, возрадуемся Господеви, / в память страстотерпцев, о празднлюбцы! / Приидіте, воспойм, / тайно восхваляюще, страдалец Христовых, / леств идольскую пагубе предавших / и Христа посреде судища ясно проповѣдавших. / Темже, о всеблаженнии и многострадальнии, / не престаите молящися о душах наших.

**Канѣн мучеником на 4, глас 4.**

### Песнь 1

**Ирмос:** Моря черную пучину / невлажными стопами / древний пешествовав Израиль, / крестообразными Моисеевыми руками / Амаликову силу в пустыни победил ест.

Добротою мучения, славнии, удобряеми / и Божественнаго света паче естества исполняеми, мученицы, / иже вашу чтущих память отонуду осияваете.

Глаголы мучителя небрегоша, Божественнии мученицы, / ярость, гнев и гордыню нивчтоже вмениша / и благохвально смерть, веселящися, претерпеша.

Крепостию утвердившися, святїи, Вседержителевою, / истиною во чресла державно препоясавшися, / войстинну лукаваго силу и коварство разрушите.

**Богородичен:** Силы паче естественных соделаша, Божественнии мученицы, / укрепляеми силою Твоею, Иисусе Всесильне, / Иже в нашу немощь первее от Девы оболкийся.

### Песнь 3

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

**Любовь ко Господу восприемше, истиннии муче-**

ницы, / о Нем радующесея, воистинну души предаша.

**Телесём и душам целители вас, премудрии, показá, / Иже ваше страдание и терпение Приёмый.**

**Прелесть древнюю оттрясше, твердии мученицы, / новую изболите жизнь, / живуще о Христе паче человека.**

**Богородичен: Дне мя Света невечерняго причастника сотвори, / Мати Божия Всечистая, / тьмы избавляющи будущия.**

### **Седáлен мучеником, глас 1.**

**Подобен: Гроб Твой, Спасе:**

**Огню чувственному не принесóте чести, / избавистесе огня геенскаго, Богоглаголивии, / огню и мукам приобщившесе, святии, / не отвергóстесе Иже всех Владыки, / но, радующесея, до смерти хранити веру потщáстесе.**

### **Слáва, глас 8:**

**Огнем мучения, яко злато в горниле, искушении, / светло искуситеся, приснопамятнии мученицы, / и явитеся злата честнейши естеством, / яко душевную доброту пресветлу показавше, / сосуд Владыце честнейший воистинну принесóте, святии, огню не послуживше. / Сего ради молитесь ко Господу о всех нас, / грехов оставление даровати чтущим любовь память вашу.**

### **И ныне, Богородичен:**

**Молитвы Своих рабов прими, Богородице, / и избави ны от всякия беды, / яко рождающая Христа, Спаса душ наших.**

### **Крестобогородичен:**

**Иже Твое заступление стяжавше, Пречистая, / и Твоими молитвами от напастей избавляеми, / Крестом бо Сына Твоего везде сохраняеми, / по долгу Ты вси благочестно величаем.**



### Песнь 4

**Ирмос:** Вознесена Тя видевши Церковь на Кресте, / Сольце Праведное, / ста в чине своём, / достойно взываючи: / слава силе Твоей, Господи.

**К**репчайшим противлением доблии и стремлением неотложнии, / друзии Маккавеи явистесь, / повелевающих ярости не убойтесь, скверная ясти не изволивше.

**С** Горними силами предстояще всеми Владяющему, мученицы доблии, / вас почитающих напастей избавите и вечнаго мучения.

**Н**ескверно дарование соблюдше всечестнаго крещения, / Твой страстотерпцы сие честнейше соделаша, / сладко смерти Твоей поревновавше.

**Т**воей смерти мученицы доблии, Владыко Христэ, подобящесь, / повешени на древе, радуящесь, / души предаша Ти, — слава силе Твоей, — поюще.

**Богородичен:** Величия Ти сотвори Владыка, / Един Сый, Владычице, силен крепостию, якоже прорекла еси, / ибо блажат Тя вси роди, Непорочная.

### Песнь 5

**Ирмос:** Ты, Господи, мой Свет, / в мир пришёл еси, / Свет Святыи, обращаи из мрачна неведения / верою воспевающия Тя.

**Ч**ертог вменисте первый темницу, блаженнии, / тамо бо Жениху Красному, радуящесь, мученицы, обручистесь, / Егоже ради уязвлени душами, / неудержимым желанием к Немю устремистесь.

**К**расен еси, Владыко, и в след Тебе течем чистыми душами, Женише, / — троица мученик вопияше, радуящесь, — / Твоею любовью, якоже зриши, связяхомся и Божественным Ти рачением.

**Х**одите по Владыце, святии, имуще воду живу биющу, / сладко подвижущую вас к подвигом мучения, / Христову чашу весело испите.

**Богородичен:** Твоея, Богоневесто, славы земля исполнися, / и к Себе святых вся лики светло привлече, / мира сладкая оставити сих повинующи / и получитьи Твоея светлости.

## Песнь 6

**Ирмос:** *Пожру́ Ти со гла́сом хвалéния, Гóсподи, / Цéрковь вопиéт Ти, / от бесóвския крóве очи́щися / рáди мýлости от ребр Твои́х / истéкшею Крóвию.*

**Жезлы́** немýлостивно мýченик Евста́фий приклоня́емь, / вся́чески стенáние или́ слéзу не испустí: / крéпкаго бо адама́нта б́яше тверде́йший.

**Возмо́гл еси́,** síлою Божéственною укрепля́емь, мýчениче Евста́фие, / терпéти мýки нестерпíмыя, блаже́нне, / сегó рáди Божéственного весéлия сподóбился еси́.

**Полцý** лука́вых бесóв побеждéни б́йша мýченик мно́жеством кровéй, / и крепíтся Тво́я Цéрковь, Жизнода́вче, / воспева́ющи Твоéй síле сла́ву.

**Богорóдичен:** *Добро́тою дéвства сия́ющи, Влады́чице, / Царéви веко́в избра́на была́ еси́ в жили́ще, / Егóже ражда́еши, по рождестве́ соблюда́ющаго Тя нетлéнну.*

### Конда́к, глас 3.

**Подобен:** Дéва днесь:

**О**тéческую прéлесть оста́вльше, святíи, / привéдóстеся Христóви, / всем душí усéрдием ста́те мужемýдренно до смéрти. / Тэмже и взя́сте побéды пóчесть войстинну, / о всех Влады́ку нáшего непрестáнно моля́ще.

### Йкос:

**Мýченик** пóдвиг любопрáзднственне вíдяще, / мýжеству их достóйно почудíмся, / и со безплóтными врагí сих борéнию Ангелов л́икове раду́ющеся, сих ублажи́ша. / Тáмо бесóвстии полцý, побежда́еми, л́ица отвращáху, / тáмо бо всех Влады́ка венцý сла́вно украша́ет мýченик главы́. / Сегó рáди возопи́ем к ним: / о всех, мýченицы Христóвы блаже́ннии, моли́теся.

## Песнь 7

**Ирмос:** *Спасы́й во огн́и авраáмския Тво́я óтроки / и халде́и убíв, / я́же Прáвда прáведно уловля́ше, / препéтый Гóсподи, / Бóже отéц нáших, благословéн еси́.*



**И**ска́паючи ра́дость и духо́вное весе́лие, / яви́ся нам честна́я ва́ша па́мять, блаже́ннии, / сердца́ услажда́я, исполня́ючи ра́дости премно́гия.

**У**м вперил еси́, блаже́нне, па́че чу́ства добро́тами пленённый, / и сокруше́ния бедро́м не ощуща́л еси́, блаже́нне Евста́фие, / и власо́м с плоти́ю отрезанным ти терпел еси́, я́ко адама́нт, в му́ках.

**К**расота́ телеса́я, му́дре му́чениче, и ю́ности цвет возра́стный, / лик и жела́ние нивчто́же вмени́ся, / сего́ ра́ди, Евста́фие, сла́дости ны́не Божества́ныя восприе́млеши.

**Но́са и у́шию Тебе́ ра́ди, Спа́се, обре́зан, му́ченик Евста́фий / Твою́, Влады́ко, велича́ше си́лу и воплоще́ние Твое́ поя́ше, / сподобля́юща того́ па́че естества́нных терпений́.**

**Богоро́дичен:** Я́ко спасе́ние на́ше Тя, Богоро́дице, мо́лим: / моли́ за ны воплоща́гося из Тебе́.

### Песнь 8

**Ирмо́с:** *Изба́вителю́ всех, Всеси́льне, / посреде́ пла́мене благоче́ствовавшия, / снизше́д, ороси́л еси́ / и научи́л еси́ пе́ти: / вся дела́, благослови́те, пойте́ Го́спода.*

**И**сте́кшая, преблаже́ннии, кровь ва́ша честна́я всю освяти́ тварь, / мно́жеством тече́ния му́ченики соде́лавшая вас, / я́бо све́тло Бо́га пропове́дасте, вас ра́ди уме́рша.

**Н**еруши́мая Це́ркви основа́ния, ве́рным же кре́пкое предгра́дие, / стены́ тверде́йше, яви́стеся, му́ченицы Богоглаго́ливии, / и нас всех кре́пко заступа́юще.

**З**емля́ соде́ржит честна́я телеса́ ва́ша, Богоно́снии, Не́бо же — ду́ши, / тем веселите́ся, му́ченицы, со А́нгелы, Го́сподеви трисвяту́ю песнь пою́ще: / благослови́те, вся дела́ Госпо́дня, Го́спода.

**Богоро́дичен:** Страшна́ челове́ком смерть пре́жде рожде́ства Твоего́, Богоро́дице, / по сих же игра́лище святы́м вмени́ся, / ходата́йствуя живо́т ве́чный.

### Песнь 9

**Ирмо́с:** *Ка́мень неруко́сечный / от несекóмья горы́, Тебе́, Де́во, / краеуго́льный отсе́чесь, / Хри-*

*стос, совокупивый разстоящаяся естества./ Тем, веселящися, Тя, Богородице, величаем.*

**Возделан** быв, яко ралом, словом твоим, Богомудре Антоние, чудный Евстафий,/ семя же прием, яко благая земля, Иоанн Богомудрый,/ иже мучения клас возрасти.

**Великим** подвигом, премудрии, почести вземше,/ воздаяния трудом и болезнем от Бога прийте, мученицы,/ о нас Того молитесь, иже вас поминающих, святии.

**Ныне** у Престола предстояще Цареве всех/ и будущих благ наслаждающиеся, Богоблаженнии,/ чтущих поминайте вашу память священную.

**Богородичен:** Боды живыя исполнь веселия,/ благодати дарования проливаеши, всем сия независимо источая,/ Тебе бо ради даровася всяко благо миру, Владычице.

### **Светилен:**

**Мучения** добротами осиявшеся,/ от Бога воздаяние трудом ныне прийте войстинну,/ о нас, мученицы, Благодателя молитесь.

### **Слава, и ныне, Богородичен:**

**Велика** Совета Ангела родила еси—Христа, Препетая Отроковице, Царя Славы,/ Егже Крест мученицы вземше, во след Сего потекоса,/ с нимиже непрестанно о нас молися.

### **На хвалитех стихире, глас 4.**

**Подобен:** Дал еси знамение:

**Имуще,** блаженнии, Христову Божественную силу,/ яко оружие непобедимое,/ отразите вся силы бесовския/ и тьмы безплотных борец/ и победы почести взяте,/ темже предстояще Подвигоположнику Христу,/ о всех молитесь, чтущих память вашу.

**Огню** не послуживше чувственному, приснопамятнии,/ и огню причастившеся и мукам,/ прийте Небесную росу,/ и покой Божественный, и вечную радость/ и, князя тьмы, мученицы премудрии, попавивше/ терпением болезней ваших,/ верных утвердите ко истинному благочестию.



**К** пристáнищу невлáемому пристáсте, мученицы, / мятéжныя волны избáвльшеся, я́ко му́дростнии, / и треволнénия мятéжа вели́каго, / отню́дуже собира́юще плод болéзней—вéчную жизнь, / помина́йте и нас, блажéннии, / чту́щих па́мять ва́шу.

### Сла́ва, глас 3:

**Д**облественнии мученицы и́стиннии, / вас ни ну́жда мучи́тельская, ни ласка́ние льсти́вное, / ни удо́в отрэ́зание, / ниже́ сме́рти пре́щение / от Божéственныя любéвэ разлучи́ти возмо́же, / те́мже дерзнове́ние иму́ще ко Христу́, / И́же над все́ми Бо́гу, / проси́те от Христа́ и нам моли́твами ва́шими / дарова́ти ве́лию ми́лость.

### И ны́не, Богоро́дичен, глас 8:

**В**лады́чице, приими́ моли́твы раб Твои́х / и избáви нас / от вся́кия ну́жды и печа́ли.

### Славосло́вие вели́кое и отпу́ст.

#### НА ЛИТУРГИИ

**Блажéнны от канóна, пéсни 3-я и 6-я. Прокíмен, глас 4:** Святы́м, и́же суть на земли́ Егó, / удивí Господь вся хотéния Сво́я в них. **Стих:** Предзрэх Господа предо мно́ю в́ину, я́ко одесну́ю мене́ есть, да не подв́ижуся. **Апóстол ко Ефесéем, зачáло 233.** Аллилу́ия, **глас 4:** Воззва́ша пра́веднии, и Господь услы́ша их и от всех скорбе́й их избáви их. **Стих:** Мно́ги скóрби пра́ведным, и от всех их избáвит я Господь. **Ева́нгелие от Матфе́я, зачáло 36. Прича́стен:** Ра́дуйтеся, пра́веднии:

#### Моли́тва

**С**вяты́и мученицы Анто́ние, Иоáнне и Евста́фие! При́зрите с Небéснаго черто́га на тре́бующих ва́шей по́моци и не отвéргните проше́ний на́ших, но, я́ко прísнии благоде́тели и ходáтаи на́ши, моли́те Христа́ Бо́га, да, Человеколюбíв и Многоми́лостив Сый, сохранíт нас от вся́каго лю́таго обстоя́ния: от тру́са, пото́па, огня́, мечá, наше́ствия иноплеме́нников и междоусóбныя бра́ни. Да не осудит нас, грéшных, по беззакóниям на́шим, и да не во зло обратíм благáя, да́руемая нам от Всеще́драго Бо́га, но во сла́ву Свята́го И́мени Егó

и в прославление крепкаго вашего заступления. Да молитвами вашими даст нам Господь мир помыслов, воздержание от пагубных страстей и от всякия скверны и да укрепит во всем мире Свою Единую Святую Соборную и Апостольскую Церковь, юже стяжал есть Честною Своею Кровию. Молитесь прилежно, святии мученицы, да утвердит Христос Бог во святей Своей Православней Церкви живый дух правыя веры и благочестия, да вси члены ея, чисти от суемудрия и суеверия, духом и истиною поклоняются Ему и усердно пекутся о соблюдении Его заповедей, да мы вси в мире и благочестии поживем в настоящем веце и достигнем блаженныя вечныя жизни на Небеси благодатию Господа нашего Иисуса Христа, Ему же подобает всякая слава, честь и держава со Отцем и Святым Духом, ныне, и присно, и во веки веков. **АМИНЬ.**

**Святые мученики Антоний, Иоанн и Евстафий Виленские, Литовские** служили при дворе великого князя Литовского Ольгерда (1345—1377). Житейские расчеты подвинули Ольгерда принять христианство для того, чтобы, женившись на православной Витебской княжне Марии Ярославне (†1346), расширить свои владения. Поначалу князь покровительствовал православной вере: он разрешил духовнику княгини Марии священнику Нестору проповедовать в языческой Литве православие, позволить выстроить несколько храмов — два в Витебске и один в Вильне (ныне Вильнюс) во имя святой мученицы Параскевы. Отец Нестор обратил несколько придворных литовцев-язычников в православие. Среди них были два брата из местной знати — Нежило и Кумец, названные во святом Крещении Антонием и Иоанном. После смерти супруги, Ольгерд, под давлением литовских языческих жрецов, имевших большое влияние на народ, отказался от христианства и вновь стал поклоняться идолам. Святые Антоний и Иоанн продолжали соблюдать все христианские обычаи, в частности не ели скоромной пищи в постные дни. Жрецам не трудно было обнаружить, что братья исповедуют Христову ве-

ру. Они стали требовать, чтобы великий князь Литовский наказал святых Антония и Иоанна. Ольгерд боялся, что если он не накажет своих слуг, то может лишиться престола. Он стал уговаривать Антония и Иоанна отказаться от христианства или хотя бы внешне показать себя язычниками — принять в постный день мясную пищу. Братья не изменили своей вере и отказались нарушить предписания Церкви. Тогда раздраженный князь приказал бросить их в темницу. Цельный год томилась братья в неволе. Младший из братьев, святой Антоний, мужественно и терпеливо переносил страдания, а старший, Иоанн, не выдержал испытаний. Он стал ослабевать физически и духовно. Втайне от брата Иоанн объявил Ольгерду, что готов подчиниться его воле, лишь бы ему возвратили свободу. Обрадованный отступничеством узника, князь освободил не только Иоанна, но и святого Антония, назначив их видными сановниками при дворе. Иоанн, хотя внешне и исполнял языческие обряды и обычаи, но в сердце своем оставался христианином. Святой Антоний же всем своим образом жизни открыто исповедовал Православие. Брата своего укорял за малодушие и трусость, призывал его покаяться и уговаривал, не страшась мучений,





вновь открыто исповедовать Имя Христово. Однажды к княжескому столу, куда были приглашены и святые братья, было подано мясное блюдо. Иоанн, хотя был постный день, из боязни мучений не решился отвергнуть скоромную пищу и ел ее вместе со всеми. Антоний же, открыто исповедуя себя христианином, отказался от мяса. Разгневанный князь вновь бросил святого Антония в темницу. Отрекшийся брат остался на свободе, но с ним, как с предателем, перестали общаться не только христиане, но и язычники. Иоанн осознал свой тяжкий грех и стал со слезами каяться в своем малодушии. Он обратился к священнику Нестору с просьбой о ходатайстве за него перед братом, чтобы тот простил его грех и разрешил общение с ним. Святой Антоний ответил, что братские отношения у них могут быть только в том случае, если он открыто начнет исповедовать веру в Господа Иисуса Христа. Чтобы исполнить волю брата, Иоанн искал удобного случая объявить себя христианином. Как-то раз, прислуживая князю Ольгерду в бане, святой Иоанн возвестил ему о своем примирении с Церковью. Князь, вопреки ожиданиям, не разгневался на него, так как разговор происходил без свидетелей. Тогда святой Иоанн решил сообщить

об этом всем. В удобное время, когда князя окружала многочисленная толпа придворных, святой Иоанн громко объявил себя христианином. Это привело Ольгерда и всех присутствующих в такую ярость, что они тут же стали жестоко избивать исповедника, после чего, по приказанию князя, он был ввержен в ту же темницу, в которой томился его брат святой Антоний. С радостью встретились братья-мученики, прославляя Бога. В тот же день они сподобились причаститься Святых Таин у священника Нестора. Толпы людей приходили к темнице, чтобы увидеть бесстрашных исповедников. Сила проповедуемой ими истины, их непреклонная вера и твердость духа в

тяжких условиях заточения настолько поражали народ, что многие принимали Святое Крещение. Языческие жрецы, видя это, чрезвычайно встревожились. Они стали требовать от Ольгерда, чтобы тот предал святых братьев смерти и таким образом пресек быстро распространяющуюся в народе веру во Христа. Великий князь уступил требованию язычников, но сначала решил казнить одного святого Антония, надеясь, что святой Иоанн снова отречется от христианства. Всю ночь перед казнью провел святой Антоний в молитве, благодаря Бога за ниспосланный ему мученический венец и прося Его укрепить брата в ожидаемых им тяжелых испытаниях. Он предвидел скорую кончину святого Иоанна и советовал ему не отступать от веры и безбоязненно переносить страдания. Утром 14 апреля 1347 года оба святых мученика причастились Святых Таин, затем святого Антония повели на казнь. Язычники повесили его на дубе.

Святой же Иоанн по-прежнему был тверд и непреклонен в христианской вере, по-прежнему продолжал проповедовать народу, стекавшемуся к темнице. Обозленные язычники зверски расправились с ним. 24 апреля 1347 года они сначала удавили его, затем мертвого повесили на том



же дубе, как и предсказывал перед смертью святой Антоний. Тела святых мучеников были с честью погребены верующими христианами в храме во имя Святителя Николая Чудотворца. Мученическая смерть святых Антония и Иоанна принесла благодатный духовный плод. Родственник святых братьев Крутлец, так же как и они, придворный князя Ольгерда, потрясенный стойкостью мучеников, принял Святое Крещение от священника Нестора с именем Евстафий. Он был молод, красив, выделялся мужеством и храбростью, но еще более умом и душевной добротой. После крещения Евстафий стал вести истинно христианский образ жизни, исполняя все уставы Православной Церкви. Однажды великий князь, который очень любил своего молодого придворного, заметил, что тот отстрил себе волосы. На вопрос Ольгерда, не христианин ли он, Евстафий открыто исповедал себя христианином. Такое признание привело князя в ярость. Желая отвести исповедника от Христовой веры, он стал принуждать святого Евстафия съесть мясо. Это было в пятницу Рождественского поста. Святой мученик отказался. Тогда Ольгерд приказал бить юношу железными палками. Но святой Евстафий переносил эти мучения мужественно и молча, он только славословил и благодарил Бога за то, что Он удостоил его пострадать за Свое Святое Имя. Ожесточенный князь приказал вывести обнаженного святого Евстафия на сильный мороз и лить в его уста ледяную воду. От этой пытки тело страдальца посинело от холода, временами останавливалось дыхание, но он и это мучение вынес с Божией помощью. Ольгерд в бешенстве повелел раздробить ему кости ног от подошвы до колен, сорвать с головы вместе с кожей волосы, отрезать уши и нос. Так мучили святого три дня. Святой Евстафий утешал христиан, плакавших при виде его мучений: «Не плачьте обо мне, братья, что разрушается это земное жилище моей души, потому что вскоре я надеюсь получить для нее у Господа обитель нерукотворенную на Небесах». Видя, что никакие мучения не могут заставить святого Евстафия отречься от христианства, Ольгерд осудил его на казнь. Святой

мученик, несмотря на то, что его ноги были раздроблены, укрепляемый помощью Божией, шел на место казни так бодро, что мучители, ведшие его, едва успевали за ним, изумляясь явному чуду. 13 декабря 1347 года святой Евстафий был мучим и повешен на том же дубе, что и его родственники святые Антоний и Иоанн. Его честное тело было оставлено на дереве близко от земли, чтобы его могли съесть хищные звери и птицы, но ни один зверь, ни одна птица не могли приблизиться к телу: облачный столп защищал его от хищников. Через три дня останки святого Евстафия были погребены в Никольском храме, рядом с телами святых братьев Антония и Иоанна. На том месте, где раньше рос дуб, впоследствии был воздвигнут храм во Имя Пресвятой Троицы. Во время перенесения тел святых страстотерпцев в этот храм были обречены нетленными их мощи, от которых совершались чудеса и исцеления. По просьбе православных литовцев, святитель Алексий, митрополит Московский (†1378; память 12 февраля), обратился к Константинопольскому Патриарху Филофею (1354—1355, 1362—1376) с тем, чтобы он благословил причислить мучеников к лику святых. О том, что Патриарх очень скоро исполнил просьбу русских, говорит тот факт, что уже в 1364 году он прислал Преподобному Сергию Радонежскому (†1392; память 25 сентября) крест с мощами святых Антония, Иоанна и Евстафия.

Подвиг святых мучеников имел великое значение для всей Литвы. Сам князь Ольгерд не только возвратился к христианской вере, но в конце жизни принял иночество. Все его 12 сыновей были христианами. К концу XIV века половина жителей Вильны исповедовали Православие. Впоследствии, на протяжении столетий, мощи святых страстотерпцев Антония, Иоанна и Евстафия не только прославлялись чудесами, исходившими от них, но и претерпели много испытаний. Был период, когда мощи святых мучеников были сокрыты в склепе и хранились там более ста пятидесяти лет. В 1826 году они были вновь освидетельствованы православными архиереями и открыты для всех, желающих поклониться святым угодникам Божиим. В 1915 году, при



наступлении немцев, эти святыни, как самые драгоценные реликвии Православия в Прибалтийском крае, были взяты в Москву. В памяти верующих Вильнюса и по сей день живут грустные воспоминания о прощании со святыми мучениками и

радостные о торжественной встрече мощей святых Антония, Иоанна и Евстафия в 1946 году в Виленском Свято-Духовом монастыре. Дата их возвращения — 13 (26) июля с тех пор ежегодно торжественно отмечается в этом монастыре.

